



Nuuk 10. oktober 2018

UKA2018/204

Jens Napātōk, Partii Naleraq

**Uunga siunnersuut: Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaannik allangortitsineq pillugu Inatsisartut inatsisaat nr. xx, xx. xxx 2018-imeersoq. (Nunami allanngutsaaliukkami, Biosfære-qarfiusumi Kalaallit Nunaata Avannaani aamma Kangiani illersuinermut aalajangersakkat sukannerulertert, illunik aserfallatsaaliineq iluarsaasarnerlu pillugit malittarisassani erseqqissaaneq aamma kulturikkut kingornussat sumiiffinni kulturikkut oqaluttuarisaanermut tunngasut inissismaffigisaanni ingerlatat sunniutaasa nalilersorneqartarneri.)**

(Ilinniartitaanermut, Kultureqarnermut, Ilisimatusarnermut Ilageeqarnermut Nunanut Allanullu Naalakkersuisoq)

### **Siullermeerneqarera**

Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu inatsisartut inatsisaannik allangortitsinissaq pillugu inatsisartut inatsisissaattut siunnersuummut saqqummiunneqartumut imaattumik Partii Naleraq sinnerlugu oqaaseqaateqassaagut.

Allanngutissatut siunnersuummi pingaarnertut taaneqartoq ilaatigut tassaavoq The International Council on Monument and Sites –imit inassuteqartoqarnera aallaavigalugu inatsisitigut aalajangersaasoqassasoq periarfissamik, tassalu kulturikkut eriagisassatut kingornussanut tunngasunik nalilersuisoqarsinnaasoqarneranik suliaqartitsisoqarsinnaaneranillu nalilersuillutillu nalunaarusiortartussanik arlaatigut sumiiffimmi kulturikkut eriagissat kingornussamiittumi suliaqarluni arlaatigulluunniit aallartitsiniartoqassagaluarpat annertunersunik annikinnerusunilluunniit.

Taamatut suliaqarnermut aningasartuutaasartussat 20.000-imiit 100.000 kr. missaaniittarnissaanut naatsorsuutigineqarsinnaasut oqaatigineqarpoq, tamannalu aningasaliissutit pioreersut iluanni imaluunniit suliffeqarfiusup ingerlataqartup akilertartussaammagu immikkut aningasaliisariaqarneranik pisariaqartitsisoqassanngitsoq oqaatigineqarpoq.

Kulturikkut eriagisassat kngornussassat taamatut allangutsaaliuinissaq aqqutissiuunneqartussaammat aammalu piumasaqaataasunut kissaatigineqartunullu napertuuttut naleqqussarnerusutut isikkoqarmat Partii Naleqqamiit inatsimmi allanguutissatut siunnersuut tapersorsorparput.

Taamatut oqareerluta Nunami allanngutsaaliukkami, Biosfære-qarfiusumi tassalu Kalaallit Nunaata Avannaarsuani aammalu Kalaallit Nunatta kangiani illersuinermut aalajangersakkat sakkortunerulerlutik sukannerulertertassamut siunnersuutaasunut ima oqaaseqaateqassaagut.



Nunami allangutsaaliukkami inussuit/Naleqqat aammalu illut ataavarnissaat allangutsaaliornissaallu illersorniarlugit inatsit sukaterneqarnissaa siunnersuutigineqarpoq.

Inussuit/Naleqqat eqqissisimatsermik inatsit siunnersuut inussunnik/naleqqanik tamanik aamma inussuit/naleqqat oqaluttuanik allakkanik imaaniuk ukiui apeqqutaatinnagit eqqissimatisilernissamik imaqtut eqqarsarnartoqartapparput, isumaqaratta nunaqavissut suli taakkuninnga atuisinnaasariaqarnerat ammasiaqartoq. Sulimi nalunaarsukkanik allakkanik immersusoqarsinnaanera ammatitsiinnarnikkut allakkat taamaattut aamma siunissami oqaluttuanut periutsinillu ingerlatitseqqinnermut qulakkerinneqataassamata. Maannakkut inatsisilorneratigut tamanna ileqqoq mattuttariaqanngilaq perifissaajuartariaqarporlu.

Partii Naleraq sinnerlugu isumaqarpugut umiarsuarsuit nuna allameersut nunami allangutsaaliukkami tunup avannaarsuani angalarnerat killilersornerugaanni tamakku eriagisassat illersorneqarnerat annertunerussagaluartoq, taakuuppummi nakkutigineqaratik assigiinngitsutigut innarliisinnaasartut.

Inussuit taakkununnga qanillattoqquusaajunnaarlugit inatsimmi aalajangersagassami allanguutissatut siunnersuut atuutsissinnaanera innersuussutiginarpoq, kisiannili nunaqavissunut inatsit allangueqquusaannginnermut aammalu allakkat inussunniitut allangorteqquusaannginneranik imaqtut eqqarsinnaanneranik imaqtutoq Partii Naleqqamiit kaammattutigerusunneruarput.

Illut eriagisassat qangaaniilli amerlanerit qanga 1900 aallartilaarneraniit qallunaat norskillu ukiiffigisimasai piniarfigisarsimasaasalu aserfallatsaaliniisaanut sukaterinissamut aaliangersagassatut siunnersuut imarisaa aamma Partii Naleqqamiit eqqarsarnartoqartipparput.

Siunnersuutaavoq allangortinngilluinnarlugit iluarsartuunneqartassasut aammalu taamatut iluarsartuussiniarnermi qaffasinnerumi oqartussanit akuersinissamut piginnittumik akuersissummik peqqaarluni aatsaat iluarsartuunneqarsinnaassasut.

Siunnersuut annertunerusumik pilersaarusiukkamik iluarsartuussinissamut atorneqarsinnaanera periarfissat ilagisinnaagunaruarpaat, kisiannili aserfallatsaalinareri imatut qeratagitilissannngilaq aserfallatsaaliniissamut maleruagassat aalajangersakkat ima qaratitigissannngitsut allaat iluarsarneqanngitsoortarneranik kinguneqaannassasoq, taamaasillunilu annaaneqaannartussanngorlugit inorsilluta aalajangersagaliorssimanerput peqqutigalugu.

Tunu avannaarsuani nanorpassuaqalernikuovoq aammalu piviusut unamminartut ilagilluinarpaat nannut illut aserorlugit illunut iserniartarnerat, tamakku piartumik iluarsarneqanngippata sukkasumik aserortitertussaapput, taamaammat tunu avannaarsuaniit qullersanut aammalu iluarsaasinnaasunik aaliangersimasunik immikkut tamakkununnga akuerineqartunik suliarineqartassappata illorpassuit annaaginnartussaavagut aalajagersagaq qeratavallaarpata.

Taamammat aaqqiigallartoqarasuarsinnaanera ammatillugu periarfissaqartariaqarpoq, ilumoorsinnaanngilarmi illu annaanniarlugu iluarsartuussisoq inatsisnik unioqqutisussanngornini peqqutigalugu illu iluarsaannagu qimaannassaga. Aalajangersakkat nunap inuinut naleqquttumik



partii naleraq

suliarineqartarnissaat aqqutissaavoq, taamaammat pissutsit taakkartukkagut neriuтикаарput ataatsimiitsitaliami ilanngullugit nalilersorluarneqarumaartut.

Partii Naleqqamiit taamatut oqaaseqarluta inatsimmi allannguutissatut siunnersuut ataatsimiititaliami sussaqartumi suliarineqarnissaa inassutigaарput.